

УДАРНИК

Удмуртской Автономной Советской Социалистической Республикаысь ваньмызлы трудящойёслы

Всесоюзной Коммунистической партиалэн (большевик'ёслэн) УАССР-ысь Обкомезлэн

О Б Р А Щ Е Н И Е З

Каждой час ортчелмы быдэ матэ вуэ 26-тй июнь. Та нуналэ куинь союзной республикаос — РСФСР, Украина, Белоруссия но соослэн составазы пырьсь 18 Автономной республикаос—Сталинской Конституциялэн великой принцип'ёсы вылын построить карем асьсэ Конституциясылэн основаоссыя, асьсэ властьёссылэсь высшой орган'ёссэс быр'ёзы.

Та нуналэ асьмелэн Удмуртской Автономной Советской Социалистической Републикамы аслэстыз Верховной Советэс быр'ёз. Ленинлэн—Сталинлэн партиезлэн кивалтон улсаз, великой русской калыклэн юрттэмез'я, кудйз царской самодержавиез быдтйз но нырисетйен жутйз социалистической революциясысь победоносной знамяз, царской Россиясысь вазен угнетенной калык'ёс басытйзы свободаез но потйзы национальной возрожденилэн, хозяйственной но культурной расцветлэн паськыт сюрес вылаз.

26-тй июне Удмуртысь трудящойёс РСФСР-ысь Верховной Советэ 8 депутат но УАССР-ысь Верховной Советэ 142 депутат вьсызы. Асьме Автономной Републикалэн Верховной Советаз нырьсь депутат'ёсты удмурт калык быр'ё советской муз'ем вылысь калык'ёслэсь шуло улонзэс творецез, Социализмлэсь Конституциялэсь творецез—великой Сталинэз но солэсь ближайшой дышеткисьёссэ но соратник'ёссэ—Молотов, Каганович, Ворошилов, Ежов, Калинин но Микоян эш'ёсты. Калыклэн великой вожденыз, вань трудящойёслэн лучшей другенызы, Сталин эшен чош, РСФСР-лэн но УАССР-лэн Верховной Совет'ёсазы депутат'ёсы баллотироваться кариско Удмуртысь лучшей адямиос, необ'ятной социалистической отечестволэн верной пиосыз но ныл'ёсыз, Ленинлэн — Сталинлэн ужелы беззаветно преданной адямиос.

ВКП(б)-лэн ЦК-ез аслаз вань избирательёслы исторической обращенияз подчеркивать кариз, что „большевик'ёслэн партизы бырийськон'ёсын выступать каре беспартийной рабочийёсын, крестьян'ёсын, служащойёсын, интеллигенциен блокын, союзын“, что „большевик'ёслэн партизы беспартийнойёслэсь уг вис'ясыкы, а, наоборот, бырийськон'ёсы мынэ беспартийнойёсын блокын, союзын, рабочийёслэн но служащойёслэн профессиональной союз'ёсынызы, комсомолэн но беспартийнойёслэн мукет организациосынызы но обществоосынызы блокын мынэ“.

Со исключительной одйг кадь мылкыд, кудйныз рабочийёслэн, крестьян'ёслэн но интеллигенцилэн собраниоссы выдвигать карылызы кандидат'ёсты коммунист'ёс но беспартийнойёс пöльсы, возматэ, макем мур но юн выжияськиз калык'ёслэн сознаниязы коммунист'

ёслэн но беспартийнойёслэн Сталинской блоксылэн идеяез.

Мае представлять кариз царизм дыр'я Удмуртия, ваньмызлы трудящойёслы умой тодмо. Революциялэсь азьвыл удмуртской калык угнетенной, бесправной вал. Удмуртия русской царизмлэн колониез вал. Кулацкой „кенеш“, трудящой удмурт'ёсты закабалить каронын царизмлы, русской но удмуртской буржуазиялы юрттыса, еше но юнгес кужмоятылйз та гнетэз. Удмуртской калык кулыса быронлы обреченной вал. 50 процентлэсь но унонэз калык заразить каремын вал социально-бытовой висен'ёсын, 90 процентэз—неграмотной вал. Удмурт трудящойёс жалкой, нищенской улонэз улйзы.

Октябрьской социалистической революция быдтйз адямиез коть кыче угнетать карон'ёсты. Царизмез но буржуазиез быдтэмен чош со быдтйз вуж царской но буржуазной политикаез трудящойёсты но отсталой национальностьёсты угнетать но закабалить карон политикаез.

Мировой пролетариатлэн великой вождезлэн В. И. Ленинлэн кыл'ёсыныз (устаи) со провозгласить кариз выль, большевистской политикаез, калык'ёслэн дружбазылэсь политикаез.

„СССР-лэн калык'ёсыз кустын дружба баджым но серьезной завоевание. Ибо пока та дружба существовать каре, асьме странамылэн калык'ёсыз свободной но непобедимой луозы. Нокин но кышкыт ёвёл асьмелы внутренней но, внешней враг'ёс но, пока та дружба улэ но здравствовать к а р е“.

(Сталин).
Та дружба улэ, здравствовать каре но улос но здравствовать кароз соин, что калык но коммунизм непобедимоесь, соин, что Октябрьской революция но социализм сётйзы калыкы свободной, шудо, шумпотно, зажиточной но культурной улон.

Советской власт'ялэн 20 ар существовать карон чожаз Удмуртской АССР сясынасысь советской социалистической республика луиз. Бере кылем аграрной странаысь со превратиться карискиз индустриальной но выль развитой социалистической сельской хозяйствоен республикалы.

1921 арысен 1925 арозь Удмуртилэн крупной промышленностяз 25 миллион манетлэсь но трос вложение лэсьтэмын. Первой пятилеткалэн ар'ёсыз чоже—40 миллион манет пала.

1932 арысен 1936 арозь эксплуатацияе кутэмын основной производственной фонд'ёс 162,6 миллион манетлы. Берло кык ар'ёсы металлообрабатывающей промышленность 85 процентлы будйз, химической промышленность—76 процентлы, нош ваньмыз промышленность—41 процентлы. Кылдытэмын

выль Ижевской мотоциклетной завод но мукет завод'ёс но фабрик'ёс.

Азьвыл нод заводской поселокысь Ижевск луиз культурной сясынасысь промышленной центр, социалистической город, УАССР-лэн столицаез.

Удмуртиын будйзы быдэсак выль город'ёс но рабочий поселок'ёс: Можга — та берло ар'ёсы будэм промышленной город, Ува, Пудем, Балезино—туж жог будйсь рабочий поселок'ёс. Удмуртилэн мукет'ёсыз город'ёсыз — Сарапул, Воткинск, Глазов—будйсь промышленной центр'ёс.

Гуртын бесповоротно vormиз колхозной строй. Муз'ем колхоз'ёслы навечно юнматэмын. Колхозник'ёс сельхозартельлэн Сталинской уставезлэн основаез'я азьлань культурной но зажиточной улонлэн сюрестйз туж жог мыно. Удмуртилэн бусыосаз ужало 3000 трактор'ёс 54530 вал кужым мында мощностен, 470 ерос комбайн'ёс, но сюрсэн-сюрсэн мукет сложной сельскохозяйственной машинаос.

Если чошатоно ке соин, что еше 1928 арын, колхозной строй vormелэсь азьло, Удмуртилэн бусыоз аз почваез обработать карон 29000 геры, 47000 котыр косуляос вал,—колхозной стройлэн vormемезлэн значениез еше юнгес оскытйсь луоз.

Удмуртысь колхоз'ёс но совхоз'ёс 1937 арын басытйзы нокуно луймтэ урожайёс—12 миллион центнер нянь.

Будэ ведущей сельскохозяйственной технической культура — етин кизён, асьме Удмуртия льноводствоэн баджым район'ёсыз пöльсы одйгезлы пöрме.

Будэ но юлма социалистической животноводство, колхозник'ёс пöльын бескоробность ликвидировать кариске.

Ужэс образцово пунктэмыз понна 123 колхоз'ёс но 9 льноводческой звеноос Всесоюзной сельскохозяйственной выставкае кандидат'ёсын юнматэмын ини.

Удмуртилэн рабочийёсызлы но колхозник'ёслы культурной улон мечта ёвёл ни, факт луэ ини.

Удмуртысь социалистической трудлэн славной геройёсызлэн но героиняосызлэн ним'ёсы туж тодмоесь. Промышлен-остяз—сюрсэн стахановец'ёс. Соослэн авангардазы: Градобоев, Темников, Степанов, Виноградов, Кареев, Кочкарева Татьяна, Брезгина Мария, Комаров но тросэз мукет'ёсыз.

Озы ик котькинлы тодмо луо суюсын сюрс'ёсын ляд'ясыкыс выдающийся колхозник'ёс, колхозник'ёс, тракторист'ёс, комбайнер'ёс, животновод'ёс но льновод'ёс. Соос пöльсы передовойёсыз СССР-лэн орден'ёсыныз наградить каремын. Лучшой адямиос—колхозной бусыослэн стахановец'ёсы: Смакулов, Будина, Першин, Христофоров, Соловьев Герасим, Семкин Елизар,

трактористкаос—Шадрина Наташа, Сергеева Анисья, Татаева Валя, комбайнер'ёс—Михайлов, Петров, льноводкаос — Васильева Елена, Смолина Анна но тросэз мукет'ёсыз. Ваньмыз со о с большевик'ёслэн партиенызы будэтэмын, ваньзы соос мудрой Сталинлэн питомец'ёсыз.

Баджымысь успех'ёсыз удмуртской калыклэн культурной строительство областын но. Еслы республикаын улйсь калык пушкын революциялэсь азьло грамотноез 10 процентлэсь бжыт ке вал, то али грамотнойёсыз 90 процентлэсь но трос ини; удмурт калык пушкысь профессор'ёс, инженер'ёс, врач'ёс но мукет'ёсыз научной работник'ёс вань.

Удмуртысь рабочийёслэн но крестьян'ёслэн нылпиоссы средней но высшей школаосын, инженер'ёсы, техник'ёсы, агроном'ёсы, врач'ёсы, дышетйсьёсы, летчик'ёсы, музыкант'ёсы, артист'ёсы но мукет специальностьёсы дышетско.

Туэ республикамылэн 1021 школаосаз 200.000 ерос дышеткисьёс дышетско. Трос дасо техникум'ёс но училищеос вань, мединститут, пединститут, комсельхозшкола, учительской институт, научно-исследовательской институт вань. Усьтйське индустриальной институт.

Удмуртиын кылдытэмын Удмуртской государственной театр, колхозной театр'ёс, Удмуртской государственной филармония, Дом народного творчества, республиканской радиовещательной станция, асьмелэн государственной издательствомы вань.

Удмурт калык ас родной кылыныз лядэе марксизмлэн классик'ёсызлэсь—Ленинлэсь но Сталинлэсь произведенийоссыс, художественной литература классик'ёслэсь Пушкинлэсь, Чеховлэсь, М. Горькийлэсь но мукет'ёсызлэсь произведенийоссыс.

Мумыос но пинал'ёс сярэсь туж баджым скулмаькон проявить каремын. Республикаын трос кылдытэмын мумыосты но пинал'ёсты обслуживать карись учреждениос: родильной коркаос, яслиос, детской сад'ёс, детской коркаос.

1936—1937 арын гинэ 2317 трос пинало мумыос пособие басытйзы. Соослы 6917000 манет сётэмын. 1938 аре январь азелы та цифра 7320000 манетозь будйз. Ваньмыз та завоеваниос Удмуртысь трудящойёсын достигнуть каремын большевик'ёслэн героической коммунистической партизы кивалтэм'я, солэн Центральной Комитетэзлэн кивалтэмез'я, великой Сталинлэн личной водительствоез улсын.

Удмуртысь большевик'ёс Ленинлэн—Сталинлэн знамязылы верной адямиос, советской разведкаен чош шараязы но разгромить каризы калык'ёслэсь тушимон'ёссэ кровавой фашизмлэсь троцкистско-бухаринской,

Удмуртской АССР-ысь ваньмызлы трудящойёслы

Всесоюзной Коммунистической партиалэн
(большевик'ёслэн) УАССР-ысь Обкомезлэн

О Б Р А Щ Е Н И Е З

(Кылемез.)

буржуазно-националистической агент'ёссэ, куд'ёсыз трос вредить каризы но куд'ёсыз малпало вал социализмэсь ваньзэ великой завоеваниоссэ Удмуртилэн трудящойёсылзэ таланы.

Однако, калыклэн враг'ёсылэн дурынчи кар'ёсыз пумозяз ик еше быдтэмын ёвёл на. Удмуртиысь большевик'ёс но ваньмыз советской калык азыпалан но беспощадно громить но корчевать карозы человечестволэсь гнуснейшой выродок'ёссэ—фашизмэсь троцкистско-бухаринской но буржуазно-националистической наймит'ёссэ.

Свободной Удмуртской калык пумозяз ик преданной калык'ёслэн сталинской дружбазылы. Удмуртиысь трудящойёс юн сплотить каремын большевистской парти котыре, великой Сталин котыре, советской патриотизмлэн духеныз пычамын, Советской Социалистической Республикэслэн Союззылэн священной рубеж'ёсыз вылэ посягнуть карыны кин ке дйсьтйз ке, любойезлы враг'ёслы сокрушительной отпор сётыны со дась.

Удмуртиысь большевик'ёслэн партийной организациязы, Центральной Комитет но великой Сталинэн кивалтэм'я, беззаветно нюр'яське уж вылын быдэстон понна Ленинлэсь—Сталинлэсь великой идеяссэ но уж вылын доказать кариз, что со способной калыклэсь делозэ последовательно но пумозяз защищать карыны калыклэн ваньмыз враг'ёсылы но солэн приспешник'ёсылы пумит.

Тани малы Удмуртиысь большевик'ёс в праве луо рассчитывать карыны Удмуртилэн трудящойёсылэн доверизылы РСФСР-лэн но Удмурт-

ской АССР-лэн Верховной Совет'ёсазы вуоно быр'ён'ёсын, коммунист'ёслэн но беспартийнойёслэн сталинской блоксылэн кандидат'ёсыз понна единодушной голосованилы.

Дано мед луоз великой Советской Социалистической Республикэслэн великой Союззы — быдэс дуннеысь Социалистической революцилэн могучой оплотэз!

Дано мед луоз победившой социализмлэн Сталинской Конституциез!

Дано мед луоз Советской Удмуртия!

Дано мед луоз РСФСР-лэн но УАССР-лэн Верховной Совет'ёсазы вуоно быр'ён'ёсын коммунист'ёслэн но беспартийнойёслэн Сталинской блоксылы!

Дано мед луоз Коммунистическая Партия большевиков!

Дано мед луоз великой Сталин—асьмелэн первой депутатмы Удмуртской АССР-лэн Верховной Советаз!

Эш'ёс, избирательёс, ваньмы одйгмы но кылытэк, 26-тй июне избирательной урнаос доры мыном но асьмелэсь голос'ёсмес сётом коммунист'ёслэн но беспартийнойёслэн Сталинской блоксылэн кандидат'ёсылы!

Ваньмы одйгмы но кылытэк, сётом асьмелэсь голос'ёсмес депутатэ асьмелэн первой кандидат'ёсмылы—великой Сталинлы но солэн боевой соратник'ёсылы Молотов, Каганович, Ворошилов, Ежов, Калинин но Микоян эш'ёслы.

Всесоюзной Коммунистической Партиалэн (большевик'ёслэн) Областной Комитетэз.

Г. Ижевск, Удмуртской АССР.

Избирательной участоклэн помещенияз

Тросэз избирательной участок'ёслэн помещениоссы быр'ён'ёслы дась. Тани басьтом Гожжинской избирательной участоклэсь помещениэз.

Со комнатаын, кытын помещаться кариськоз избирательной комиссия горд басмаен шобьртэм чебересь жок'ёс. Отын кык ящик'ёс сыло. Огез РСФСР-лэн, мукетыз УАССР-лэн Верховной Совет'ёсазы быр'ён'ёс'я.

Мукетаз комнатаын голосовать карон понна кабинкаос. Кабинкаосын югыт. Пичи жок'ёс горд басмаен шобьртэм. Каждой жок вылын одйг кадесь графин'ёс но стакан'ёс пуктылэмын. Жок вадьсын борддорын „Лыдзы избирательной бюллетенез заполнить каремедлэсь азывыл“ удмурт но Зуч кылын пичиесь листовкаос лякылэмын.

Со комнатаын ик, обозреть карон понна избирательёслэн списоксы ошемьн. Списоклэн выльяз

огпалаз Ленинлэн, мукет палаз Сталинлэн портрет'ёссы.

Избирательной участоке лыктэм избирательёслы татын вань мар карыны. Тани татын ик Кировлэн нимыныз нима колхозлэн, сельсоветлэн бордгазет'ёссы. Колхозлэн 4 номер сельсоветлэн 5 номер поттэмын ни. Бордгазет'ёсын РСФСР-лэн Верховной Советаз депутатэ кандидатлэн Соловьев эшлэн но Удмуртской АССР-лэн Верховной Советаз депутатэ кандидатлэн Девятиров эшлэн портрет'ёссы но соос понна голосмес сётомы шуыса верась колхозник'ёслэн гожтэт'ёссы поттылэмын.

Татын котьку калык луэ. Магазинэ лыктэм мурт'ёс но пыратэк уг кылыло.

Избирательёс 26 июне шумпота асьсэлэсь голоссэс коммунистической партиалэн верной пиосыз понна сётозы.

Гр. Чувашев.

Быр'ён'ёс азелы 100 процент быдэстйз

„Прогресс“ колхоз быр'ён'ёс азелы подходной налог тырон планэ 100 процентлы быдэстйз. Озы ик колхозник'ёслэн но коньдон тыронэн государство азын

одйг копейка но недоимказы ёвёл. Колхозлэн председателез Турцев эш, коньдон огазеянэн скулмысь ужа.

А. Седов.

УАССР-лэн Верховной Советаз депутатэ кандидат Кабанов эш избирательёс дорын

Уромской избирательной участоке быр'ён'ёслэн, Удмуртской АССР-лэн Верховной Советаз депутатэ кандидатэ Кабанов эшен пумиськонды сизыса митингзы ортчиз.

Избирательёс Кабанов эшез досьмылкыдын пумитазы. Аслаз выступленияз Кабанов эш, избирательёслэсь мыным оказать карем бадзым доверизэс уж вылын оправдать каро шуэ.

— Кулэ луиз ке трудящой калыклэн ужез понна улонме но сёто—быдтэ веранзэ Кабанов эш.

Уромской совхозысь ужасьёслэсь Семенов Е. С. выступать кариз.

— Али, РСФСР-лэн но Удмуртской АССР-лэн Верховной Совет'ёсазы быр'ён'ёс азын асьмеос шу-

до час'ёсты но минут'ёсты переживать кариськом. Тани вуэ ни быр'ён'ёслэн нуналзы—асьме Удмуртиысь трудящойёслэн улоназы самой шудо но шулдыр нунал. Та шудо но шулдыр нунал'ёс асьмелэн яратоно Сталин эшмылэн кивалтэмез'я гинэ вуизы.

26 июне асьмеос ог мылкыдэн голосовать каром коммунист'ёслэн но беспартийнойёслэн Сталинской блоксылэн кандидат'ёссы понна, коммунистической партиен но Сталин эшен воспитать карем мурт'ёс Соловьев но Кабанов эш'ёс понна.

Соловьев но Кабанов эш'ёслэсь кандидатуразэс поддержать карыса трос рабочийёс, работницаос, колхозник'ёс митингын вераськызы.

Быр'ён'ёслы дась

Ильинской избирательной участок РСФСР-лэн но Удмуртской АССР-лэн Верховной Совет'ёсазы быр'ён'ёслы дась.

Участоклэн помещениэз художественно оформить каремын. Урам'ёсын, калыкы адскон интыосын быр'ён'ёслэн нуналзы но интызы сярсь ялон'ёс, плакат'ёс, лозунг'ёс ошылэмын.

Избирательной участоклэн помещенияз котьку выль газет'ёс, журнал'ёс, быр'ён'ёс сярсь литератураос вань.

Избирательёс татчы лыктыса, избирательёслэн списоксытызы асьсэлэсь фамилиоссэс, вордскем арэс проверять карыло, газет'ёс лыдзыло. Татын валантэм вопрос'ёслы валэктон понна дежурство установить каремын.

Голосовать карыны кабинкаос дась. Участковой избирательной комиссилэн председателез Медведев ужез умой организовать карыны быгатйз.

С. Щунлин.

Агитмассовой уж организовать карымтэ

Б-Бигринской избирательной участоке агитатор'ёсын алигес совещание ортчиз. Татын тодро луиз, что депутатэ кандидат'ёс понна агитировать но избирательной законэз изучать карон уж'ёс ляб организовать каремын. Татын агитатор'ёсы комсомолец'ёс вис'ямын. Соос та дырозэ уж борды умой-умой ёз кутскылэ на.

Агитатор'ёсын ужан, семинар'ёс ортчыган, уж вылын юрттон озы ик ёвёл.

Озы ужамен та участоке пырысь колхоз'ёс хозяйственной уж'ёсты быдэстонэн чидантэм бере кылэ. „1-й май“, „Дружный“ но „Виль гурт“ колхоз'ёсын кутсаскон уж дугдытэмын. „Виль гурт“ колхозын алигес кутсасконэз организовать каризы. Колхозлэн председателез Орлов А. П. тае возгла-

вить карем интые, юны кутскиз. Уж понна ответственностьсэ со уг шоды.

„1-й май“ колхозын уката урод уж. Кылем арынэз государственной етич мертчан сётон план 35 процентлы гинэ быдэстэмын.

Кул-ог колхозник'ёслы 70 нуналлы трудоденьёс начислить каремын ёвёл. Озы колхозлэн правлениез трудовой дисциплинаез куашкатыны юрттэ.

Колхозлэн председателез Ломагина уженыз ог'я вераськон'ёсын гинэ кивалтэ.

Охотин.

Шонертон

Туэ арын 3 июне потэм 50 №-ро „Ударник“ газетсы „Избирательёслэн списоксы шкафын улыз“ нимо статьялэсь кутсконзэ, „26 майысен избирательёслэсь списоксэс обозреть карон кутскиз“ шумса лыдзоно.

Редактор—Г. М. ИВАНОВ.
Потт'ясь РАЙИСПОЛКОМ

Я Л О Н

1938 арын П-Пурга Райисполком велосипед вози сь мурт'ёслэсь велосипед'ёссэс регистрировать каре. Срокез 5 июлэз.

Райисполком.

„УДАРНИК“ ГАЗЕТЛЫ ГОЖКЫНЫ ЭН ВУНЭТЭ

И ю л ь толэзьясен газетэз вискарытэк басьтон понна али ик гожкыны кулэ. Гожкыны почта агент'ёс но колхоз'ёсысь письмоносец'ёс дорын луэ.

ГАЗЕТЛЭН ДУНЫЗ: арлы—6 ман., 6 толэзьялы—3 ман., 1 толэзьялы—50 коп.